


АЛЕКСАНДР

ЛУЖИКОВ

ЭНЭЖШӨЙСЭ

ОРОЛ



2000
7 days

С (коми)

Александр Лужиков

1-83

Энэжшöрса лордым

Кывбуръяс

Сыктывкар

Коми книжной издательство

1994

БИБЛИОТЕКА
Национальный музей

84 (2 Рос — Коми) 6—5
Л 83

Лужиков А. М.

Л 83 Енэжшӧрса ордым. Кывбуръяс.— Сык-
тивкар: Коми книжнӧй издательство,
1994.— 128 л. б.

ISBN 5-7555-0497-0

Библия серти Каин виис Авель воксӧ. Талун
артмӧ мӧдарӧ. «Онӧ Авель виис Каин воксӧ. Ви-
ас!— оз кут каитчыны бӧрас»,— гижӧ коми поэт
Александр Лужиков.

Кызди овны татшӧм сьӧкыд кадӧ? Мый лоас
водзӧ?

— Ӧти виччысьӧ бурджык олӧм, мӧд — сьӧ-
лӧмнас усьӧма. Кызди ышӧдны татшӧм мортсӧ?
Кодӧ сылы отсалас?— юасьӧ поэт асьыс да йӧз-
ыслысь.

«Енэжшӧрса ордым» небӧгын эмӧсь вежӧра,
сьӧлӧм вӧрзӧдана кывбуръяс. Найӧс гижӧма
кокни кывйӧн, гӧгӧрвоана.

А. Лужиковлӧн тайӧ медводдза асшӧр книга.

84 (2 Рос — Коми) 6—5

Л $\frac{4702310200 - 036}{M 128 (03) - 94}$ 34—94 м

ISBN 5-7555-0497-0

© Лужиков А. М., текст и оформление, 1994

© Коми книжнӧй издательство, 1994



ЛОВ ПУ

* * *

Көть и ачым муна пемыд вөрөд,
лолөй лэбө югыд енэж шөрөд.
Му выв олөм абу мортлөн ловлы...
Тані ловлы сөмын шуштөм овлө.
Сійөн лолөй енэж шөрө качис.
Но өд, но өд татчө кольччи ачым —
вот и лоө мунны пемыд вөрті,
со и лэбө лолөй енэж шөрті...

* * *

Авель ловзис. Ловъя, дерт, и Каин...
Енмөй, кытысь татшөм кадсö вайин?
Öнi Авель чöжö ассъыс лёксö.
Öнi Авель виас Каин воксö —
виас! — оз кут каитчыны бöрас...
Кодi сувтас кык вок костö, шöрас?

* * *

Татӧн,
уна ветлыся Арбатын,
вуза
Ли́ра, Муза.
И Христосӧс
сизим шайтысь
вузавлӧ со
озырмыны чайтысь
шуда,
ӧнiя Иуда.

ПИТИРИМ СОРОКИНОС КАЗЬТЫВЛІГОН

Тан мем гажтөм, шуштөм...
Мый мен тайо мусьыс?
Мый мен тайо мусьыс?
Тані шогө уси.
Мый мен тайо мусьыс?
Көть и быдми тані,
өні тані ставыс,
ставныс меным паныд.

Мый мен тайо мусьыс?
Сьөлышта дай муна...
Слабог, му шар вылас
мунан туйыс уна.
Слабог, кокъяс улын
эм на аслам ордым,
көть и ставнан туйыс
Ен ли Дьявөл ордө.

Мый мен тайо мусьыс?
Коді тані кутө?
Ковмас мунны — муна...
Овсяс Коми мутөг...
Нөрыс йылөд рөдтысь
чиган табор бөрся
өтка чиган морт моз
ылі туйо вөрзя...

* * *

Голь и озыр шаньон-бурон
чукортлывлім рубон-урон.
Бөрйим медся мича места.
Лэптім вичко — зарни креста!

Онi кисьтөм вичко дорсьыс
вошөм зарни крестсө корсям.
Онi кисьтөм вичко дорас
асьным милөстина корам.

* * *

Векни, чукля туйӧд
нӧрыс паныд кая.
Висьталӧны йӧзыс:
«Тайӧ туйыс — райӧ...»
Кодкӧ, кодкӧ тонӧ
кайлӧма нин сэтчӧ.
Меным воча сийӧ
нӧрыс йылысь лэччӧ.

Крукасьлӧ да усьлӧ,
выныштчӧ да чеччӧ,
шойччыштас да бара
увлань, горув лэччӧ.
Вывлань, сылы воча
нӧрыс паныд кая.
Шуда жӧ и мортыс —
веськавлӧма райӧ.

Менам ордым визьӧд,
мекӧд ӧти кадӧ
нӧрысйывса райысь
сийӧ лэччӧ адӧ.
Гашкӧ, гашкӧ, ачым
сылӧн туйӧд кая.
Адӧ лэччысь туйӧд
Кая вывлань, райӧ.

Ӧти ордым вывті
нэм чӧж мунам кыкӧн.

Коркӧ, коркӧ сӕсса
паныдасям сыкӧд.
Вочаасям сыкӧд.
Ӧта-мӧдӧс тӧдам.
Сӕсса тӧдтӧм йӧз моз
разі-пели мӧдам.

Кӧть и сыкӧд ӧттшӧтш,
ӧти здукӧ чужим,
кӧть и ӧткодъ миян
туша, мыгӧр, чужӧм,
кӧть и ӧткодъ миян
нимным, вичным, овным,
пасьмунӧма шӧри
сыкӧд сьӧлӧм-ловным.

Нӧрыс паныд вывлань
мӧвпалігмоз кая.
Адӧ лӕччыс туйӧд
кая вывлань, райӧ.
Менам олӧм туйӧд,
мекӧд ӧти кадӧ
нӧрысйывса райсьыс
сійӧ лӕччӧ адӧ.

ЛӨГЛУН ЙЫЛЫСЬ ПРИТЧА

Көть и лөгным лэчыд гыжъя,
талун кывтам өти пыжын.
Кырныш бордъя гыяс вывті
юкөд венласигтыр кывтам.

Кытчөдз лоас миян вынным,
кутам кыркөтшланьыс сынны!
Мыйөн воам кыркөтш дорас, —
өтув туйным миян орас.

Мыйөн воам — бара сэки
лоам вөрөгъясөн тэкөд.
Гызьём юсө вуджём бөрын
кок ув муным потас шөри.

Өти пыжын кывтан лунө
водзө торъя туйөд мунам.
Өти-мөдлөн синъяс сайөд
өти нөрыс йылө каям.

Нөрыс йылас кайөм бөрын
пырам өти вичко шөрө.
Сэні —
өти енмыс.

Петам вичкосъыс да сэки
бара вөрөгъясөн лоам тэкөд.

* * *

Вөркута да уна-уна зона йылысь
гора сьылö, скöра сьылö тöдса сьылысь.
Сійö горзö, сійö ёрö Коми муöс.
Коми муöсö чужан муөн кодi шуас?

Кодлы чужан мулысь шогсö кöшысь
юны?
Кодлы сылысь крестсö олём помöдз
нуны?
Кодi миян пöвстысь сэтшöм кывъяс
шуас,
медым ловзяс рöспинайтöм Коми муыс?

* * *

Олӧм, тэ зэв мича,
но тэ — вузӧс нывка...
Ӧні тэнад, олӧм,
кокни сям да мывкыд.
Тӧда: тавой тэкӧд
кодкӧ ӧти узьӧ,
аски асыв мӧдкӧд
мунан улич кузя.

Оз ков, оз ков таысь
вежӧгтыны тэнӧ...
Тэнӧ мырддьӧм могысь
ог пыр тышӧ-венӧ.
Тэ мен ӧні, олӧм,
вузӧс нывка пыдди.
Кодкӧ, гашкӧ, тэнӧ
гӧтырпунас лыддьӧ.

* * *

Өні бурыс
эз ло бурөн.
Бурасьлөны
рубөн-урөн,
шома юрөн —
вина-сурөн.

ПИПИЛИСТЫ СӨКӨЛ

Көні менам шудөй — пипилисты сөкөлөй?
Пипилисты сөкөлөй, кытчо меысь лэбөмыд?
Пипилисты сөкөлөй, коді тэнө дзебөма?
Чужан муысь йөз муө тэнө корсьны

петлывлі.

Тэла, менам сөкөлөй, саридз сайө

ветлывлі.

Кызь арөсөн, сөкөлөй, биа лугтө вуджөма.
Нелямынөн, сөкөлөй, Ёма лугтө вуджөма.
Тэнө, менам сөкөлөй, нэм чөж лои

корсьөма!..

Сөмын тэнө, сөкөлөй, аддзысьсьөма-

корсьсьөма...

Висьталөны: Ёмаыс зарни тывйөн кыйөма.

Висьталөны: сьөлөмад эзысь ньөвйөн

луйөма.

Висьталөны: ачыс пө сэссия шөри орөдчис.

Сэссия пө тай Ёмаыс өдзөс костө топөдчис.

Сэссия пө тай ачyd көть пөлать сөрийө

өшөдчы.

ВИТТОР

Висьталёны дзик-дзик ставён —
юсьома пö Виктор Савин.
Веськодь сылы Коми муным —
кутöма пö усътöдз юны.

Серавлёны дзик-дзик ставён —
сюрöма пö Виктор Савин.
Пуксьöма пö вит во кежлö...
Этша на пö тайö пежлы...

Повзьöмаöсь дзик-дзик ставён —
воöма пö Виктор Савин.
Кöть и ачыс эз и волы,
воöма пö сылөн лолыс.

Воöма пö сылөн лолыс.
Пывсянын пö öтнас олö.
Веськодь пö тай Коми муным,
кутöма пö бара юны.

Веськодь пö тай йöзыс сылы.
Оз пö петав улич вылö.
Öнi кö пö позис, сийöс
луйли эськö аслам киён...

1988 во

* * *

Сылөн олём — абу мойд.
Оз пет весиг синва войт.
Пуктас олёмыслы пом,
көть и ачыс зэв на том.
Бытьё вёсни черань вез
йирксянь ошъяс джагъя гез...
Сэсся сэк нин, сэк нин, кор
бөрсө бергөдчыны сёр,
чепёсмунас синва войт...
Гашкө, олём збыльысь мойд?..

1983 ВО

Мыйкӧ гижин?— дзебышт пызан йӧрад,
кодкӧ, гашкӧ, лыддяс кулӧм бӧрад;
гашкӧ, ковмас вояс мысти коркӧ...
Ӧнӧ сийӧ йӧзлысь олӧм торкӧ.
Ӧнӧ сийӧс колӧ видзны гусьӧн —
оз позь лоны мукӧд дорысь сюсьӧн...
Тэнӧ оз на гӧгӧрвоны танӧ —
оз позь мунны ызгысь йӧзлы паныд.
Сувтан паныд, ӧтдортчыштан наысь —
таляласны, косявласны таысь!
Ӧта-мӧдсӧ быдӧн вины дась —
чашъясны!— и на дор сувтас Власть!
Чашъясны!— и лӧньыштасны кор,—
найӧс ошкас Суд да Прокурор.

ПОЖӨГ. 1937 ВО

Еджыд каля ли, юсь ли
Эжва гы вылын качлө да усьлө.
Ыззьөм Эжвалөн гыжйын
лөкысь пессьоны кыркөтш дор пыжъяс.

Чөла сулышта тани —
Эжва юлань да шонділань банөн.
Орччөн, көнікө матын,
коркө Тима Вень сулаліс татөн.

Югыд шонділань банөн
сійө бөръяысь сулаліс тани...
Мыйөн вуджисны юсө,
эз нин аддзывлы таладор мусө...

* * *

Сьоддөлөм да еждөм бөрас
енэж потіс йи моз шөри.
Гымаліс да сэсся зэрис
пуля гырся көдзыд шерөн.

Сэсся, шерөн зэрөм бөрас,
кырныш качис енэж шөрө.
Еждөм мылькьяс, ыбьяс
пөлөн
сиктө рөдтө куим вөла.

Куим вөла, куим вөла
зымакылө керка пөлөн.
Төда: менө талун найө
мөдөдасны Урал сайө.

Төда: өти пон ку пасьысь
найө сиктөс нуны дасьөсь.
Кырныш лэбалө да лесьта
кравзө налөн юрьяс весьтын.

Төда: вөтася ме тайөс.
Төда: абуөсь нин найө.
Төда: тайө шера луныс
уна дас во сайын муніс.

Төда: зумыш Урал сайө
пөльөс мөдөдісны найө.
Сійөн пөльлөн вирыс өні
горзө менам дзик быд сөнын.

* * *

Бытьё воймём крестьяс
нюрса косьмём пуяс.
Тайё пуяс улас —
мыждём йёзлөн гуяс.
Қоркё, война водзын,
кыскёмаось найё
зыбуч нюрёд мунысь
көрт туй визьсё тайёс.

Налы шогыс вичмис,
Налы мудзыс сюрис...
Чим гөрд турипувйён
вевттьысьёма нюрыс...
Миян поезд муно
йизьём көрт туй кузя.
Қымын, кымын морт тан,
көрт туй улас, узьё?

* * *

И збыль мөй —

сійӧ кадыс матын,
кор кулас ловзьывлӧм Куратов...

И збыль мөй —

вунӧдам ми ставӧн,
мый вӧліс «Шондібан» да Савин...

И збыль мөй —

кадыс вӧчны кужас,
мед бырас коми йӧзлӧн вужйыс?
Мый коми войтырыслы колӧ?
Мый лэптӧ сылӧн сьӧлӧм-лолыс?

ИВАН КУРАТОВ НИМСЯНЬ

Чужан муысь, гортысь
төдтөм муо мода.
Мый сэн мекөд лоас —
өтнас енмыс төдө.
Ог төд, гашкө, сәні
шогсьөмөйла дзорма.
Ог төд, гашкө, ковмас
милөстина корны.
Ог төд, гашкө, менө
аслас пион шуас
ичинь туйо видзөм
сэтчөс ылі муыс.
Вояс кольөм мысти
төдтөм муас сәні,
гашкө, бөръя туйо
мөдөдасны менө.
Войвыв Коми муо
ог кө сәсса волы,
бөрдьсь тури чукөр
ваяс менсьым лолөс.
Коми войтыр, кывзөй
налысь сылан горсө:
мена́м шогсьысь лолын
сигудөклысь ворсөм.
Лунвыв мусянь пөльтысь
шоньд, небыд төлыс
сө во мысти ваяс
менсьым вошлөм гөлөс.
Чужан муо ваяс

аслас шоньд сывъяс
ылі муын гижӧм
бӧръя сьыланкывйӧс.
Коми йӧзсӧ тӧлыс
окалас да шуас
меліӧн и шаньӧн
менсьым чужан муӧс.

* * *

Чужан пельӧсӧй
вичко кодъ
югьд.
Татчӧ вола
да
енлы моз
юрбита,
копрася сылы
да эска,
мый отсалас сійӧ
ылі муясын,
туйын
ассьыс енсӧ
да вичкосӧ
вунӧдысь пилы.

ШУОМ КЫВНЫМ МУО УСЬО

Шуом кывным муо усьо.
Сэсса рудзөг петас мусьыс.
Сэсса воом бөрас сійос
изас коми мортлөн кыяс.

Сэсса пöрысь коми пöчö
рудзөг пызьысь няньшом вöчас.
Сэсса, няньшомыс кö туяс,—
пачö пöжалантор сюяс.

Сэсса, пачсьыс перйöм бöрын,
пуктас няньсö пызан шöрö.
Рудзөг няньсö пуктас сэсса
пельöсусва енлы весиг.

Сэсса шойна вылö мöдас.
Сэни куйлö вужйыс-рöдыс.
Налы рудзөг няньсö ваяс.
Кутас казьтывлыны найöс.

Накöд пукалыштöм бöрын,
гортас мöдас мир туй шöрöд.
Рудзөг няня пызан дорö
сиктса медбур йöзöс корас.

Гашкö, юасьтөг да кортөг
пырас пöрысь пöчö ордö
мортöс виысь, вина юысь,
ёрсьысь-керсьысь, лөк кыв
шуысь.

Гашкӧ, Васа сәни лоас.
Гашкӧ-й, Вӧрса сэтчӧ воас.
Гашкӧ, восьса ӧдзӧс пырыс
сэтчӧ Омӧльыс тшӧтш пырас.

Гашкӧ, татшӧм гажлун дырйи
лоасны и багатыръяс.
Кума-кама, тарки-йирки
пырас Пера. Локтас Йиркап.

Локтысьяслы оз ло помыс.
Лоас пӧрысьыс и томыс.
Тима Вень и Виттор Савин —
татчӧ чуко́ртчасны ставӧн.

Ставныс тӧрӧдчасны найӧ
рудзӧг няня пызан сайӧ.
Гашкӧ, пызан саяс сәни
кодкӧ казтыштас и менӧ.

Мед жӧ эськӧ рудзӧг тусь моз
шуӧм кывйӧй муас усяс...
Мед жӧ нәмъяс мысти сийӧс
изас коми мортлӧн кныс.

ЕСЕНИН

Вирён
кыз пу сямодё
гижём
кывбурёй
бипурлы сетліс
да руалысь, кёдзавтём пөймсё
гёрысь-кёдзысь моз
содз тырнас
койис,
мед вынсьодас
эбөстём,
чорзьём да изйөссьём
мусё.

* * *

Пермса Стефанлӧн шыпас
эз на чусмы ни вижӧд.
Нӧшта вылӧ на лыбас
сыӧн лӧсьӧдӧм гижӧд.

Пермса Стефанлӧн нимас
аддзам важдырся Русьӧс.
Збыль мӧй Стефанлӧн нимыс
муӧ, кок улӧ усяс?

* * *

Енмөй, тавой менам
вөтавсьөма, вөтнам
бытьё му шар вылас
коли дзик-дзик өтнам.
Бытьё муыс збыльысь,
а эз вөтын, мойдын,
енэж шөрысь ылькйысь
көдзыд ваён ойдіс.

Бытьё му шар вылас
эз коль өти коми.
Бытьё, бытьё збыльысь
воис олөм помыс.
Өтнам бытьё коли,
олөм сувтөм бөрын,
йөзтөм, шуштөм, гажтөм
ичөт дітор шөрын.

* * *

Гөгөр пемыд вөліс,
но вот локтіс төлыс —
югдіс, сөстөм лоис
чойөс дзедан воис.

Чужөмбанөй вылын
дойөй лым моз сыліс.
Сөмын морөс пытшкөс
өнтө, дойдө, бытшкө.

Қоркө мөй нө вунас
чойөс дзедан луныс?
Бырас мөй нө дойөй,
сьөлөм дойөй — чойөй?

Гусьөник да чөла
локтөм еджыд төлыс
сөстөммөдө мусө,
Рая чойлысь гусө.

* * *

Гартча
гумыль вабергачын.
Гартчигмозыс
швуча-швача
уся-кача,
уся-кача,
бытьё
ичёт-ичёт
чача,
коть и
вабергачыс
ачым.

* * *

Тавой менö вөрөгъясöй кыйисны...
Эзысь ньöвйөн сьөлөм шөрö лыйисны...
Эштіс гажöй! Овсьöма дай вывсьöма!
Окавсьöма! Йөктыссьöма! Сьывсьöма!
Ставсö лои висьталöма-шуöма!
Тагъя сурөс лэптöма дай юöма!
Олан гажöй вощывліс дай эштöма!
Гажөдчöмысь зарниөн дай вештöма.
Палялі да,— ставыс вöтын вөлöма!
Палялі да,— тіпкө лыйлөм сьөлөмöй!

ПИЛЫ

Дона пиӧй, кор ме кула,
гуав кыз да пельсь улӧ.
Пиӧй, кодйы менсьым гуӧс
меӧн водзвыв бӧрйӧм муӧ.

Еджыд кыдзые, пельсь пуыс
лӧксые сайӧдасны гуӧс:
коркӧ важӧн, вояс сайын,
ачым вужйӧдлі ме найӧс.

Еджыд кызсӧ пукті майын.
Пельсь пусӧ арнас вайи.
Менам дона кыкнан пуыс,
натӧг гажтӧм Коми муыс.

Олі-вылі — сьӧлӧм кывзіс
кызлысь гажа сьыланкывсӧ.
Жугыль пельсь пусӧ шуи
бӧръя туйӧ коллысь пуӧн.

Пиӧй, кодйы менсьым гуӧс
кыз да пельськостса муас,
медым чужан-кулан часӧй
быд во лоӧ ловъя паса.

Гуйӧ оз кӧ мусмы тӧныд,
кӧсьян вунӧдны кӧ менӧ —
сэки, сэки лӧчыд черӧн
пельсьсӧ да кызсӧ керав.

Мыйӧн пӧрас кыкнан пуыс,
пиӧй, пасйышт менсьым гуӧс.
Кыз да пелысь пусьыс меным
вӧчышт кресттор — дыр мӧй
тэныд?

Сэсся, крестсӧ пунктӧм бӧрын,
ветлы, пиӧй, вичко шӧрӧ.
Югыз вичко шӧрас сэни
пукты сись да казтышт менӧ.

Көдзыд. Өшинь вевттысьсьома йиөн.
Өзийö сись да сотчö рытья биөн.
Луныс муніс. Рыт нин — и со пемыд...
Өдийö, өдийö кольö олөм нэмыд.
Өдийö кусö тайö йизысь сисыс,
но мен долыд тайö жугыль бисыс.
Көть и, көть и здук-мөд мысти кусас —
менлы вылө югдөдө на мусö...

КОМИ ПОЭМА

1

Вөйөм Йиркап йылысь мойдыс
өні лолөс сөмын дойдө.
Қоми йөзсө, менсьым нэмөс
водзвыв петкөдлөма сәні.

Асьныс коми йөзыс, гашкө,
гашкө, енмыс меным вашкө:
«Йиркапнымлы усьөм пудыс —
коми йөзлөн шогыс-шудыс.

Гашкө-й, коми йөзыс бырас...
Сы моз йи куд улө пырас».

2

Мыйта, мыйта Қоми муас
вайлөм йөзлөн кресттөм гуыс...
Налөн мыждөм, мыжтөм лолыс
помөдз миян пытшкын олас.

Налөн шогыс, налөн дойыс,
налы вичмөм курыд вояс,
изки костын изөм олөм
помөдз олас миян лолын.

Миян олөмнымлөн пыжын
кывтө налөн вөвтөм мыжыс.

И мед тайӧ мыжсьыс мынны,
абу кӧсийӧмным ни вынным.

Абу вынным. Вынным бырис.
Но ми мунім бушков пырыс.
Ӧд ми сӧкся кӧдзыд тӧлӧ
вывті сӧлӧмаӧсь вӧлім.

Мыйта мортӧс коми мортыс
лӧксьыс дзедис аслас гортас,
медся шог да сӧкыд здукӧ
асьсӧ сизим пельӧ юкис.

Ӧні коми йӧзыс, муыс
асьсӧ мыжаӧн на шуӧ...
Гашкӧ, сійӧ кӧдзыд тӧлас
коми збыльысь мыжа вӧлі?

Гашкӧ, мелі коми сӧлӧм
тшӧтш и вузасьысьӧн вӧлі?..

3

Кӧть и чужан эрдъяс шӧрын
век на кылӧ сотчӧм кӧрыс,
восьӧм Сизим Кодзув улын
югыд тӧвся Коми мулы.

Сӧмын, сӧмын лӧннысь тӧлыс
вайлӧ вошӧм мортлысь гӧлӧс,
жульӧм сигудӧклысь горсӧ,
Тима Венълысь гижӧдторсӧ.

Кӧть и важӧн усълӧм лымйыс
век на сотӧ лов да кымӧс,
регыд, регыд мылькъяс вылын
вирӧсь лымйыс кушӧдз сылас.

Воссяс питөг кольём муыс.
Сюрас Витторнымлөн гуыс.
Сылы молитваыс пыдди
ассыс кывбуръяссö лыдям.

Сылысь ним-вич гижам гөрдөн.
Сылөн гуыс дорын бөрдам.
Гашкө, сөстөммыштас
ловным...

Сөстөммас кө — кутам овны.

Сійөс дзедбан-чужтан лунö,
гашкө, миян мыжным вунас ..

4

Эм кө öнi, кызьöд нэмын,
Храпөн мырдөн вайём енмыс,
гашкө, мыжъяс лэдзан лунö
миян мыжным збыльысь вунас.

Ёна водзын парма пиöс
видзліс енмыс, сисьлөн биыс.
Эз на дзикöдз косьмы-вижöд
Храплөн коми кывъя гижöд.

Зарни пытшкө йөртөм енмыс,
еджыд вичкояслөн нэмыс,
Стефан Храплөн югыд лолыс
коми пөвстын век на олö.

Сэки коми йöзлы коліс
Храп кодь мортыс, сылөн
лолыс.

Коліс йöзлы индысь-шуысь,
коми шог да тöждлун нуысь.

Да и нэмъяс мысти, өні
еджыд вичкояслөн звөныс,
налөн шензьөдана мичыс
менсым кывбуръясөс видзө.

Көть и лолөй — кисьтөм вичко.
Көть и лолын турөб швичкө,
төда, мамөн пунктөм енмыс
шогысь, лёкысь видзө менө.

Мыйла сисьлөн югыд биыс,
Храпөн вайөм енлөн кныс
лёккөд косын, лёжкөд венын
абу сайөдөма тэнө,

Виттор?..

5

Виттор, кылан:
Көнкө, вылын, кылө,
вошөм йөзлөн ловъя гөрөд
мунө войся енэж шөрөд.

Кылан, кызди Изъяс сайө
шога осьлалөны найө...
Налөн шогысь, налөн дойысь
дзикөдз съодасьөма войыс.

Тайө войыс тайө воас
медся лэчыд төла лоас.
Тэнад, менам кызьөд нэмын
тайө войыс медся пемыд.

Кызьөд нэмас тавой кылам
медся шог да гажтөм сылөм.
Но ми кывзам
налысь войся сыланкывсө.


Көтү и ставон бура кылам
налысь коми кывъя сьылөм,
кодi мездас, доръяс найос,
мед эз нуны Урал сайо?

Кызьод нэмын, миян нэмын
найос дорйысь мортыс эм-о?
Збыль мой, Йиркап бөрын
бырис
йозос дорйысь багатырыс?..

6

Они сэтшөм ёна дойдө
коми йозон вөйтөм
Йиркап йылысь мойдыс:
кольөм, Сталин дырся, төлө
ота-мөдос вузалысьон вөлим.
Асьным асьнымос ми нырим.
Йиркап мозыс рыо пырим...

1988 во



ДОСЬСА
НЕБОГ

ШОГ

Нэм чөж эски — чужан грездөй
менө шогалөмысь мездас.

Чайтлі, чужан муын, гашкө,
оз ло лёк да шог, да гажтөм.

Мыйөн чужаніңө вои,
шогөй нель пөв сьөкыд лои.

Шогөй — кок вуж сөнөс йирө.

Шогөй — сьөлөмын да вирын.

Шогөй — чужан видзьяс шөрын.

Шогөй — пармаыс да вөрыс.

Шогөй — Эжваыс да юыс.

Шогөй — шондыс да муыс.

* * *

Мед эг пörьясь, мед эг гусясь,
мед эг вош да мед эг юсьы,
мед ме мөвпалі да олі —
сійөн чужаніңо вола.

Мөвпала да ола
восьса сьөлөмөн да лолөн,
медым сійө эз жө юсьы,
медым чужан муон шусис...

* * *

Төдтөм муын, йөзын
шудөс корсьөм бөрын,
бергөдчи да вои
көдзыд керка шөрө.
Гашкө, эн на дзикөдз
вунөд-өтдорт менө
пельөсусва джаджйө
өтнас кольөм енмыс.

Гашкө, гашкө, эм на
эндөм керка шөрын
ен джадж вылө кольлөм
рудзөг няньлөн көрыс.
Сирөд пожөм керйысь
тшупөм керка стеныс
эз на, гашкө, көдзав —
шонтыштас на менө.

* * *

Мамөн мыськөм керка шөрын
югид, быттьö кыддза вöрын,
быттьö, быттьö зэрöм бöрын
өвтö купальнича көрөн.

Пемыд öшинь дорын кывза
тöвся рытлысь сьыланкывсö.
Лолысь, сьöлöм пытшкысь кыла
колипкайлысь асья сьылöм.

* * *

Чойлõн шондїс кор кусїс,
войыс вевттис мудзõм мусõ.
Арся вõр-ва ланьтõм бõрын
тõлысь петїс енэж шõрõ.
Қольквиж тõлысь югõр улын
õшинювса пелысь пулы
гажтõм...
Чойлы õзтõм сись моз сїйõ
сотчõ югыд, жугыль биõн.

* * *

Олө пөчө,
да мырсьө,
да кашкө...
Дойыс сьөлөмас —
пиня да гыжа.
Тайө пөчыслы
юрбитны
колө мен, гашкө...
Гашкө, пөч водзас
мыйыськө мыжа?
Коді томлунсө,
муслунсө
нөбөдіс-нуис?
Усьөм верөсыс
кытөні узьө?
Кытөн
пиыслөн
аддзывтөм, лелькуйттөм гуыс?
Мыйла
олөмыс кажитчө кузьөн?..

ЛЕК ВОДЗЫН

Откаөн усьысь кодзув бөрся
мөд нин усьö енэж шөрсьыс.
Гызьöm, ызьöm Эжва сайö
войбыд гылалöны найö.

Войбыд гылалöны найö...
Кутшöm лёклун водзын тайö?
Кутшöm неминуча меным
вичмас дженьыд олан нэмөн?..

Кутшöm неминуча суас
аски асыв чужан муöс?..
Войбыд мөвпала да ола.
Войбыд ланьтöдчыны пола...

* * *

Тэон чужтөм муслун вөлөм
сэтшөм пөсьөн.

Ылөдлыны тэнсьыд сьөлөм
абу лөсьыд.

Тэнад муслун вөліс донтөм
менама ловлы.

Тэнад муслун эз и шонтыв,
эз и ковлы.

Ог кут казътывлыны тэнө...

Ог кут корны.

Таысь олөм помөдз менө
кутан ёрны.

* * *

Воём пелысь — сёлём ыжда розья.
Пукта розсё мича суюмод дозйё.
Мылькьяс сайё шонді пуксьём бёрын
югыз лоас менам керка шёрын.

Югыз лоас сёлёмын да лолын.
Югдас менам мунан туй да олём.
Бытьё востым, озыё суюмод дозйын
ёшинювса пелысь пулён розйыс.



Быттьо колип гозья,
оти позйын
лукалӧны, вӧлӧм,
бордья лов да сьӧлӧм.



Миян олӧм лым моз сылас
пуысь вӧчӧм крестъяс вылын.
Кӧть и олӧм вывтӧ дзоля,
гу выв крестным век жӧ коляс...

Крестъясвывса нимным-вичным
век жӧ лоас шань да мича.
Век жӧ крестъясвывса овным
кулӧм бӧрын кутас овны.

* * *

Дойöй йөршитчöма сьöлөм пытшкö.
Ёнтö-бытшкö.

Кылö дзик быд здукö.

Сійö — сьöлөмөйлөн медся ыджыд
юкөн.

Шогöй

лоис öтчыд.

Сэсся нэм чöж пöрысь пöч моз вöтчö.

Мед ог пышйы,

сійö

кутö киöd.

* * *

Эшти́с гожом. Со и воис арыс.
Сиктса нывъяс мөдөмаось карө.
Сиктысь пышйысь мир туй чукыль сайö
тэрмасьомөн восьлалөны найö.
Мунöны да — гаж да серам налы.
Мөдөмаось, бытьё Эжва дорö вала...



Но тэд карын кө гажтөм да лёк,
гортлань матөджык, пиукöй, лок.
Карыс бергөдчас тэтөг нин мед...
Локтан — миянлы кокни, и тэд.

Көть и кутшөм нин ёна тан гаж.
Клубыд, төдан өд, омөлик, важ.
Ог төд, том мортлы кыдзи да мый,
ме нег — буртор сэсь нинөм он кый.

Майбыр, өні көть клубторйыс эм,
миян том дырйи эз вөвлы нем.
Сьökыд, тшыг пөра вөліс көть сэк,
но вот гажөдчим кыдзкө тай век.

Тэныд кар шөрын гажтөм да лёк,
гортлань матөджык, көсьян кө, лок.
Но өд, колөкө-й, татөні тэд
көсьян муслуныд некор оз шед...

* * *

Восьлав водзё олём шөрөд,
кольёмсё эн казътив.
Важся дойястё эн вөрөд,
эн нин шызьбөд асьтё.

Вунөд дойтё. Тэныд тадзи
кокниджыка овсяс.
Сэссия-й ньөжйөнникөн, надзён
шогыд петас ловсьыд.

Олём шөрсьыс бурсё өкты,
көть и лёкыс уна.
Йёзыс вылө кыптысь лөгтё
пытшкад сот да вунөд.

* * *

Чөв-лөнь. Ыркыд. Пөрысь пуяс.
Пожом крестьяс. Тодса гуяс.
Тодса нимьяс. Стекло дозйын
кельдом, косьмом дзоридз розьяс.
И оз ышод,
и оз шонты
стекло дозьяс ворсысь шонди.

* * *

Сэтшөм көдзыд да гажтөм,
да пемыд.

Вой.

Кыдзи отсавны, шонтыштны,
ышөдны

гегдөм чуньясөн өшиньө

тотшкөдчысь,

керка стен бокө ляскысьөм,

сыркьялысь пелысьлы —

висьтав мен,

жуглясьысь сьөлөм.

Висьтав мен,

турөба лолөй...

ЕДЖЫД ДӨРӨМ

Мамö еджыд дөрөм вурис.
Вурис мичаа да бура.
Сэссия югыд, тувсов войö
сийöс вышивайтис чойöй.

Вышивайтис коми серөн.
Татшөм дөрөм новліс Пера.
Новлөма и пөльлөн пөльыс,
мортыс овлөма көть гөля.

Лым кодь югыд, сөстөм дөрөм
өвтö купальнича көрөн.
Сийöс пасьталан, да ловлы
сөстөмджык жö овлө.

Еджыд дөрөм — менам шудöй —
куйлö öнi камод кудйын.
Чойöс дзевбөм бөрын съөдöс
пырджык пасьтавлыны мөдi.

Ичөт чойöс дзевбөм бөрын
колис вышивайтөм дөрөм.
Еджыд рөмыс — сылөн олөм.
Дөрөмвывса серыс — лолыс.

Менам дөрөм — коми сера.
Татшөм дөрөм новліс Пера.
Новлөма и пөльлөн пөльыс,
овлөма көть мортыс гөля.

Лэчыд турөб вск ла гартө, кылө.
 Татшөм луно некытчө он пет.
 Талун менам гижсян пызан вылын
 куйлө книга — Афанасий Фет.

Керка жырйын — көдзыд, дзескыд.
 Керка жырйын — повзьөдчана чөв.
 Фет со гижө: «Тулыс воас, эскы...»
 Сидзкө, збыльысь

пышъяс көдзыд төв.

* * *

Кыськӧ ылысь,
локтысь-кылысь,
Урал сайысь,
кӧдзыд вайысь,
парма йылысь
нора сьылысь,
юсьӧс
войвыв муысь
тӧдтӧминӧ нуысь,
скӧра швичкысь,
менӧ личкысь
тӧлыс —
менам гӧлӧс.

* * *

Сьӧлӧм кыпӧдчывлас мусьыс.
Сэсся из моз увлань усяс.
Усьӧм бӧрас уна воӧн
сйӧ сэсся изйӧн лоас.

Сэсся, изнас лоӧм бӧрын,
оз кӧ быттьӧ пасьмун шӧри,
пӧльӧн шуысьӧйлӧн пиыс
керка дорас ваяс сйӧс.

Изсӧ видзӧдалас сэсся.
Изсӧ биӧ чӧвтлас весиг.
Туяс —
керка пельӧс улас суюс.

* * *

Ытва дырйи
пӧльлысь пыжсӧ
нуис,
гуис
пӧльӧс вердысь
Эжва юыс.
Кӧні
сійӧ ӧні?
Бадьяс пиын,
гашкӧ, зэв нин важӧн
сисьмис сійӧ.
Батьлӧн пыжыс
кыркӧтш дорын воймӧ-дзормӧ.
Сійӧс юӧ лэдзны бара сёрми.
И со бара
Эжва юӧс дорис арыс,
и ме чӧла
Эжва пӧлӧн
муна
лымъя лунӧ.
Сьӧлӧмын да лолын
кӧсйӧм олӧ:
ассьым пыжӧс вӧчны колӧ.
Тӧлыс мунас.
Вунас.
Лымйыс сылас.
Тури горзӧм кылас.
Воас тулыс.
Эжва тулас.

Пыжкөс лэдзөм бөрын
пета Эжва шөрө.
Тувсов гыяс вывті
увлань кывтла:
гашкө, кыськө кыркөтш
дорсьыс

пөльлысь пыжсө корся.
Сэсся коркө-й ката.
Татөн,
Эжва йылас,
вичкояса мылькъяс вылас
ордым визьлөн помыс.

* * *

Буса карысь воём бöрын
тапикася горт дор йöрын.
Талун казътывла ме туйöс,
ыджыд каръяс, мича муяс.

Ветлі төдтöминын, ылын.
Талун — чужан кильчö вылын
сыла важся сыланкывъяс,
варовита коми кывйөн.

Талун лёксьыс видзö менö
чужан пельöсусва енмыс,
гортса шойчöдана чöлыс,
öшинь увті ветлысь төлыс.

Сэтшöм лöсьыд, кокни гортын,
пöрысьмыштöм мам-бать ордын.
Кызди метöг налы татөн,
кызди меным лоö натöг?..

* * *

Талун кывбуръясöй норöсь.
Найö пöрысьöсь да дзорöсь.
Кöть и, кöть и лун-мöд сайын
зэв на томöн чайтлі найöс.

Налөн зиякылысь гөлöс
тöрыт ышöдысьöн вöліс.
Талун налөн лэчмöм звöныс
вундö ассьым олан сөнöс.

* * * * *

Көть и, көть и мукөд дорысь томөн
воис аслас му выв ордым помө,
мукөд дорысь кузьджык олөм вуджис,
сылөн водзджык эштис му выв уджыс...
Вот и овсиссылөн миян ордын.
Водзын куйлө енежшөрсә ордым.



Югыз гоҗся луно
кыддза еджыз раскөд
нуөди ме быттьо
сэки тэнө аскөд.

Югыз, сөстөм раскөд
чөла мунөм бөрын
петим быттьо тэкөд
паськыз видзьяс шөрө.

Копыртчывлим сэсся
енэжлы да мулы.
Сэсся вөлись сувтим
раслөн венеч улө.



Арся луныс жугыль мөвпөс венас.
Сійө гөгөрвоас менө.
Дойөс — сотас, шогөс — виас
сылөн бурдөдана биыс.

Ёрсысылы моз эска сылы.
Эска — менө кылас.
Збыль мөй тшөтш и тайө луныс
менө гөгөрвотөг мунас...

* * *

Тэнö шогыс эз на сулы,
эн на палявлытöг юлы.
Мамлы, бательы, чужан мулы
мисьтöм кывъяс эн на шулы...
Мыйöн верстьö кадыд воас,
медым тадз жö эськö лоас.

Вися.
Лун-лун куйла гортын.
Көнөсь
менаң ертъяс?
Мыйла
керка өдзөс сайын
дзедьсясьоны,
сайласьоны
найө...
Коді, коді
радлігтырйи
пырас көдзыд керка жырйө.
Коді
сьөкыд здукө
дойөс шөрпельө юкас?
Өдзөс лун-лун пөдса.
Орччөн абу
весиг өти төдса.
Сайласьоны ертъяс.
Вися.
Куйла гортын —
бытьө гортйын...



Войвыв муо,
войвыв муо
поезд ньожмыда зэв нуо,
коть и войвыв муас сәні
ёна виччысьёны мено.

Поезд нуысьыс кө төдіс,
гашкө, содіс мунан одыс.
Но од кыкөн сөмын төдам,
радейтам мый óta-мөдөс.

ВӨВЪЯС

Лэбӧ пурт кодъ лэчыд гӧлӧс
морӧс кудйысь.
Пӧльлӧн пӧльлысь вошӧм вӧлӧс
корся лудысь.

Кӧнкӧ ылын, оз зэв гора,
гудӧк ворсӧ.
Пӧльлысь вошӧм гӧрд вӧв кора.
Горза, горза...

Батьлӧн вӧлыс оз жӧ гӧрӧкт
горзӧм вылӧ.
Сӧмын локтӧ веж луд шӧрӧд
аслам, кылӧ.

Қыа бордъяс увтӧ вӧлӧн
ӧдйӧ рӧдта.
Лэба пӧльлӧн ыбъяс пӧлӧн.
Шогӧс пӧдта.

Мыйта вӧлӧс ылі лудын
воштім-колим!
Пессьӧ, горзӧ морӧс кудйын
томдыр вӧля.

БУР КЫВ

Старик и юалö: «Тэ нö мый нуан?»

Салдат шуö: «Ме төвар нуа».

Старик шуö: «Та вылö уна-ö коран?»

«Мый сетан»,— шуö салдат.— «Босьт куймсё шайт либö бур кыв».

«Бур кыв» коми мойдысь

Гижи кывбур.

Базар вылö петі.

Гижöмторйöс бур кыв вылö сета.

«Нэм чöж лоан шудтöмön

да гöльön»,—

шуис меным кывбур босьтысь пöльыс.

Гижи кывбур.

Базар вылö петі.

Пöрысь пöльлы бур кыв вылö сеті.

«Тэнö сотас енмön сетöм биыс»,—

кывбур доныс шуис меным сійö.

Гижи кывбур.

Базар вылö петі.


Пöрысь пöльлы бур кыв вылö сеті.

Зарни сьöмön

вештысьöмыс пыдди

сійö меным ассьым

кывбуръясöс лыддис.



PCQ

KDIBBVDYDRC

* * *

Арнас ловлы
гажтөм овлө.
Кыскө ниа пуа вөрө,
кольквиж ваа тыяс шөрө.

Сэни югыз. Сэни сөстөм.
Сэни чөв-лөнъ. Қокни. Йөзтөм.
Сэни, быттьө вичко шөрын,
өвтө сись да ладан көрөн.

* * *

Вөрса ёлын ваыс
юмов,
өмидз көра,
чибльөг помысь чөскыда зэв юсьö,
но мыйла тыас
пув кодь шома-курыд,
көть ёлыс тыас усьö?

* * *

Мылькъясвесьтса
рытъя кыа —
гӧрдов-кольквиж,
мелі гыа.
Мудзӧм шонді
ньӧжйӧ кывтӧ
тайӧ мелі
гыяс вывті.

Эштіс
шондіслӧн туйыс —
аслас кыркӧтш дорӧ
уйис.
Мылькъясйывса турун пиӧ
вошис сійӧ.

Ӧтнас кольӧм
кыа
дыр на ворсіс
мелі гыӧн.
Сэсса коркӧ-й
енэж отас
тӧлысь потіс.

Пипу кор моз
кольквиж биӧн
сотчӧ сійӧ.

КАРСА ВОЙ

Виж биа карса туйяс пӧлӧн
вуджрасьӧны пуяс,
усьӧ лым.

Саридза да пемыд арся юӧд
налим моз жӧ
войыс
ньӧжйӧникӧн, шытӧг
уйӧ.

* * *

Пармаyslӧн зумыш чӧлыс
менӧ повзӧдлысьӧн вӧліс.
Но и тайӧ зумыш горсьыс
гуся мелі шыяс корси.
Тайӧ зумыш горсьыс кылі
вӧрса бобувьяслысь сьылӧм.

* * *

Берба-балялөн еджыд гөн
водё ньөжйөник чужём вылө.
Войтва тёпкө,
и мыла звөн
ловзьём енэжас юракылө.
Берба паськөдө воча сыв.
Сылы, доналы, сэтшөм лөсьыд.
Бытьё сералысь
авья ныв,
менё окалө сійё пөся.

* * *

Раскө йөрмөм мудзөм төлыс
куйлө чөла.

Нюждчөма увтас кузя:
гашкө, узьө.

Биа кыз пу коръяс вылын
шонод сылы.

Ручкуасьөм баба гожөм
рам да гожъя.



Кильчõ вевт вестõ õшйõм рытыс
дзик нин ланьтõма,

узыьсь, шытõм.

Биа-бордъяса

кыа паныд

тõлысь õшалõ

еджыд бана.

Кõть и гожõм нин,

тõвся кõдзыд

кыськõ пармаысь

локтõ-сõдзõ.

Вой тõв нõбõдõ

пос пом дорõдз

сьõдõдз кынталõм

льõм пу дзоридз.



Яр шонді югъяліс да пөжис,
а чардби гусьон вынсө чөжис.
И сэсся сизим пельö потіс
скөр чужөмбана енэж отыс.
И сэсся көнкө вылын-вылын
зэв гора, кузя гымакыліс.
И тайö гымсьыс сьөлөм-ловлы
тшөтш быттö кокниджык жö овлө.

* * *

Октябрь төлысь.
Йöзыс зумышöсь да чөлöсь.
Карса улич шöрын
шуштöм, быттьö вöрын,
быттьö мортöс дзебöм бöрын.



Зарава кодъ югьд войӧ
юрйыв кодзув югӧр койӧ.
Бара коляс войыс тайӧ
лым кодъ еджьд лист бок сайын.

Мыйӧн гижан уджӧй эштас,
ӧшинь занавесӧс вешта,
дзиръя ӧшиньясӧс восьта,
сигудӧкӧс киӧ босьта.

Чеччӧм шондӧ югӧр улын
кута ворсны чужан мулы.
Сэсся чужан мулы сыла,
кьдзи сийӧс ачым кыла.



Пелысь роз кодь гөрд да кисьмөм
луныс

тэрмасьмөн муніс,
Эжва юо суніс,
вөйис. Вуніс.

Шонді лэччис,
мылькъяс сайысь тöлысь чеччис.
Гөрдөдома, бытьё öгыр.
Югыд гөгөр.



Пемыд вӱрын
морт моз ышлолаліс
пӱрысь коз.
Збыльысь,
пыді вужъя вӱлӱм
гуся дойыс.
Гымтӱм-чардтӱм,
лӱнь да шоньд
гожся войӱ,
ланьтӱдчис кор гӱгӱр
парма-вӱрыс,
сійӱ ружӱктіс
да пӱрис.



Зэрис, зэрис... Сэсса кобис.
И со лэбалö нин бобув.
Мазі матор корсьö-öктö.
Чипас вылын пышкой йöктö.

Сэтшöм гажа, лöсьыд налы.
И он нюмды мöй нö налы?..
Тайсь сьöлöм оз мöй небзы,
оз мöй бобув моз жö лэбзы?..



Мыйӧн воас кӧдзыд тӧлыс,
бара доддяласны вӧлӧс.
Тӧвбыд мортлӧн плетя кийс
кутас тэрмӧдлыны сийӧс.

Мыйӧн шойччан кадыс воас,—
сэки гожӧм шӧр нин лоас.
Кутас казътывлыны вӧлыс,
кутшӧм кӧдзыд вӧлі тӧлыс.

Вазьӧм, войся дзоридз пиын
кутас казътывлыны сийӧ,
кызди юысь конюк Петя
тӧвнас быд лун нӧйтліс плетьӧн.

Кутас казътывлыны вӧлыс
коддзӧм Петьлысь скӧрмӧм гӧлӧс,
кӧть и Петьыс таво тӧлыс
вина юӧмысла куліс...

* * *

Черань везйысь
мыніс.
Бара шуда.
Бара вына.
Вөлі коньөрөн
да жебөн,
и со бобув
бара лэбб,
медым
выль пөв
черань везйö
шедны.

* * *

Төв ныр дырйи кюдз да вӱсни пуыс
ляснитчывлас муас.

Сэсся ачыс
веськӱдчас да вывлань качас.

Пӱрӱ
медъён вӱрыс.

* * *

Тэрмасьомөн, гусьон
лымйыс водіс-усис.
Оти войон-лунон
дзормис чужан муным.

Еджыд вылын куйліс
сиктса няйтчом туйным,
бытьё, кын да йизьом,
менам олан визьой.

И ме сійо лунас
чужан сиктысь муні.
Еджыд лымйыс вывті
бытьё вуджөр кывті.

* * *

Көть и важөн югөр койö
вильён пуксьём лун,
керка пышкысь йөрмём войыс
некыдзи он мун.

Ветлö менам керка шөрöd
бытьö медбур ёрт,
бытьö сайкалыштём бöрын
вина корсьысь морт.

* * *

Тэ мен мичмөдыштін мусö.
Сэсся, катшасинмöй, кусін.
Таладорас, вöльнöй светас,
сэсся некор он нин петав.

Кöть и таладорса светыс
оз жö дзикöдз гöльмы тэтöг,
сэсся ог нин аддзыв тэнö,
сэсся он нин гажöд менö.

Менам олөмöй кө орас —
оз жö пасьмун таладорыс.
Гашкö, метöг дорысь тэтöг
весиг гöльдзык вöльнöй

светыс...

КЫМӨРЪЯС

Гымалиг,
повзьөдчиг
бөкөджык кежө
на пиысь өти.
Чарда да гыма
сійөс нин вежө,
крепыдджык щөтя.
Ньөввуж моз зэвтчөма,
гымньөвьяс
луйлө,
быттьөкө Пера...
Лэбөны ньөвьяс,
но кымөрыс мыйла
абу жө зэра?
Ичөтик кымөр со
енэжө качис.
Качис — и зэрө.
Абу көть зымөдчысь
сямлуннас ачыс,
уджсө тай керө.
Зэрө да зэрө,
но мед эськө
дөзмытөдз оз жө.
Мед эськө ылыстчас
казявтөг,
локтигас моз жө.

* * *

Вөрса, сөдз ёль ваён мыссьөдөм,
том,
сирөд кыз пу коросьөн,
шор дор изйысь тэчөм горъя пывсянын
пывсьөдөм
да
сөстөм рузумөн
муртсыть тубрыштөм,
да мамнас бурөдөм-лелькуйтөм,
банийөм чужөма, сөстөм,
чөдлач синъяса кага кодь,
гожся
унмовсьысь
рытыс.

* * * *

Асыввылын,
 коми сиктысь ылын,
асъя шонді,
 көнкө, зэв нин вылын...
Тані — вой шөр.
 Муыс-ваыс узьö.
Сöмын тöлысь
 тюрö мылькъяс кузя,
быттö ыджыд-ыджыд
 кольквиж мач,
некыдз-некыдз вылöджык оз кач...

* * *

Вундам воккӧд ыбъяс дорысь
небыд корӧсь.
Сэсся гортлань ыджыд нӧбйӧн
коркӧ-й мӧдам.

Тэчам найӧс — ӧшлам сӧрийӧ.
Косьмас корйыс.
Кӧдзыд тӧвнас пывсян ломтам —
лысьӧм шонтам.

Апалыштам корӧсь дуксӧ
сйӧ здукас.
Қазытыштам тшӧтш гожӧм шӧрсӧ,
гожся вӧрсӧ.

* * *

Мыйӧн Эжва весьтын кылас
арся турияслӧн сьылӧм,
мылькьяс вылын шойччӧм бӧрын
сиктӧй качас енӧж шӧрӧ.

Вичко, йӧзыс, вӧвьяс, пуяс —
ставныс мӧдӧдчасны туйӧ.
Кытчӧ тэрмасьӧны найӧ?
Збыль мӧй шоньд саридз сайӧ?

Куим кытшов вӧчӧм бӧрын
сиктӧй пукьяс мылькьяс шӧрӧ.
Натӧг, натӧг тури гӧрӧд
водзӧ лӧбас енӧж шӧрӧд.

* * *

Вөрса ёлын шонді ворсö,
мед көть ёлыс ичöt.
Қывза ёлылысь мыла горсö —
сьöлөм вылын личыд.

Қывтö ёль да помся сьылö.
Серавлö да олö.
Да оз дузъяв олөм вылö.
Мый нö сэсся колö...

* * *

Қильчө вылын куткырвидзысь рытыс
төлысь биа, кодзувъяса, шытөм.
Кокни лымйыс небыдика, гусьон
унзіль керка вевтъяс вылө усьө.
Еджыд кынь моз кыйкьялөмөн, чөла
матыстчөма, сибөдчөма төлыс.

* * * *

Шонді пуксьом бōрын
ыркыд, пемыд, быттьō кулōм козъя
вōрын,
ōвтō сэтōр кōрōн.
Узьō гōгōр ставыс,
сōмын
лōньōм ёлын ловъя ваыс
войбыд сьылō,
сялякылō.

* * *

Көть и кӱдзыд — абу тӱла.
Енӱж шӱрысь рама, чӱла
усьысь сӱстӱм, кӱдзыд лымйыс
сотӱ чужӱмбан да кымӱс.
Тайӱ лымйыс усьӱ, кылӱ,
быттьӱ-й менам сьӱлӱм вылӱ,
сӱсся ньӱжйӱникӱн сылӱ.



Мыйла бара татчө келі-а?
Сьөлөмөй мед лөньө?
Гашкө, сы вөсна, мый меліа
төлыс гартчө вөнбөн.

Гашкө, сы вөсна, мый видз вылыс
сэтшөм небыд шыа.
Гашкө, сы вөсна, мый төланыс
кыдзлы көса кыө.

Гашкө, сы вөсна, мый збой чиркыс
дзоридз пиын йөктө.
Гашкө, сы вөсна, мый сьөлөмөй
тадз нин меным тшөктө.

* * *

Арыс пöрысь. Арыс мисьтöм.
Жугыль сьлөн мойдыс-висьтыс.
Кельдöм коръяс киссьöм бöрын
шуштöм, тыртöм
гегдöм вöрын.

Мудзöм морт моз ньöжйö муно
дзормöм, бöръя арся луныс.
И ми гөгөрвоам, кылам,
кутшöм кöдзыд, гажтöм сылы.

Сылы час-мöд коли овны...
Но а мян сьöлöм-ловным
кылö:

тöлыс
локтö кöлököла сизим вöлөн.

* * *

Лун-мөд сайын восьмьм Эжва сайысь
тэныд вижьюр дзоридзьяс ме вайи.

Лышкыд козин пыдди вижьюр
чукөртторйыс тайö.

И эн чуймав, кельыд-көдзыхдось мый
найö.

И эн чуймав, лымъялö мый майын.

* * *

Верстьö ловпу уна коръя...
Быд кор öта-мöдсьыс торъя.
Дзик быд корлөн — аслас гөлöс.
Уна гөлöс — уна пөлöс.
Уна гөлöс — öти сьылöм,
öти вужъя олöм-вылöм.

СИҚТСА СЕРПАС

Мед кӧть Эжва шӧрын тӧла,
чукыль-мукыль кыркӧтш пӧлӧн,
ог тӧд, ылӧ али матӧ,
турун тыра пыжа катӧ.

Вошис пыжа кыз ру пытшкӧ.
Қодкӧ, кылӧ, век на ытшкӧ
бадьясайса видзьяс шӧрын.
Ытшкӧ шондӧ пуксьӧм бӧрын.

* * *

Вунөдан кор парма-вөрсө,
сёр нин бергөдчыны бөрсө,
выль пөв сійөс гөгөрвоны,
вөрса лэбачөн бөр лоны,
сёр нин лоны дзоридзторйөн,
косъмём кызлөн ловъя корйөн.

ВАЖСЯ КЫЙСЬЫСЬЯСЛӨН ЛОВ

Быттьö кок шы,
быттьö мортлөн гөлс,
войся чöлас
кылö, кышакылö, ышлолалö тöлыс.
Тані,
вöрса видзьяс шöрас,
урбöж кöра,
пемыд, жугыль козья вöрас,
гашкö, олö
важся коми кыйсьысьяслөн лолыс.
Рысь моз
вуджöртлывлö-волö.
Лыйöм улö
петкöдчыны полö.

но оз пышйы ошсьыд сійӧ,
кӧть и увтор лоас кнас.

Оз на, гашкӧ, асьсӧ янӧд!
Сувтас скӧрмӧм ошлы паньд.
Оз кӧ вермы ярмӧм ошсӧ,
сідзкӧ, аслас юрыс вошӧ...

Сідзкӧ, ошкыс сійӧс личкас...
Паськыд парма-вӧрыс, сідзкӧ,
нӧшта ӧти коми мортлы
лоас потаннас дай гортнас.

Гашкӧ, гашкӧ, парма зонмӧс
ошсьыс доръяс кыйсян понйыс:
абу медводдзаысь вӧрас —
ӧшъяс ошлы коклябӧрас.

Абу урӧс — здук кӧ сюрӧ,
ошкӧс бӧрвывсянныс пурӧ.
Кыйсьысь вылӧ пыдди ошкыс
увтчысь лайка вылӧ вошъяс.

Кыйсьысь, ошсьыс мездмас мыйӧн,
вӧлись сэсся шковгас-лыяс.
Слабог, вермас сэсся оштӧ,
да ӧд кыйсян понсӧ воштас...

Кӧть и понйыс абу урӧс,
ошлӧн гыжъяс улас сюрас.
Понйыс лоас кулан выйын.
Понсӧ аслыс ковмас лыйны...

2

Сиктӧ лэччӧм бӧрын зонмыс
нӧбас водка ош ку доныс.

Оз ло юӧмыслы помыс —
оз ло ош куыс ни понйыс...

Сэссия, дзыкӧдз коддзӧм бӧрын,
вичкодорса луд выв шӧрын
гора сьылас «Шондӧбанӧй»,
сэссия «Доли-шели» панас...

Сэссия усяс потшӧс дорӧ.
Коркӧ, коркӧ асьядорыс
палялас да гортас мӧдас
аслас дона гӧтыр ордас...

Гортас гӧтырыслы шуас:
«Талун кушӧдз ставсӧ юи,
но ӧд, кӧть и понйӧс вошти,
коркӧ кыя на ӧд оштӧ...

Аски, палялышта мыйӧн,
тэныд, шӧвктуг, ручӧс кыя.
Тэ ӧд, гӧтыр, менӧ тӧдан:
кыя гӧрд ручӧс дай сьӧдӧс...

Кӧть и дышӧн менӧ шулан,
кыя тэныд низь да тулан...
Ог на тэ водзын ме янав,
кӧсьян — кыя наян санӧс...

Шыдтӧ пуны вая гоз-мӧд
сьӧла-тар да чукчи-дозмӧр.
Нывлы-пилы аски вӧрысь
сус пу кольяс вая сьӧрысь.

Помтӧм-дортӧм парма вӧрсӧ
видзысь енмыс — зумыш Вӧрса —
муӧдз копыртчывлӧм бӧрын,
гашкӧ, лэдзас парма шӧрас...

Оз кө скөрәв парма енмыс,
сідзкө, вөрәс ләдзас менө.
Скөрмөда кө — сәки Вөрса
оз ләдз вөрсьыс некор бөрсө.

Шуас — ёра пө ме тәнө.
Он пө пыдди пукты менө.
Вөрәс тәнө пө ме йөрта.
Сэссия мортсьыс ошкө пөрта.

Мед пө парма шөрын, гутөм
ош моз, төвбыд шөйтны кутан.
Эн кө ачыд повлы меысь,
йөзыс полөны мед тэысь...

Коркө, тэ моз бура лыйсьысь,
менө пыдди пуктысь кыйсьысь,
казялас да суас мыйөн,
шөйтысь ошкөс моз и лыяс...

Верма пөртны тәнө көчө
либө шырөн тәнө вөчны...
Шуа —
лоан конда пуөн.

Вына Вөрса, мися, энлы, —
вочавидза парма енлы.
Мися, пыдди пукта тәнө...
Мыйысь ошкас пөртан менө?

Мися, кывзысьлі ме тәнсьыд,
а эг Храпөн вайлөм енсьыс.
Мыйла менө, доймөм пыдди,
тэысь өтдортчысьөн лыддян...

Тэнад тшөктытөг и кортөг
вөрын кыйсьывлі мөй коркө?

Гашкӧ, вуджлі тэнсьыд кывтӧ?
Гашкӧ, кыпӧдчывлі вывті?

Висьтав, мися, вӧрсьыс коркӧ
мыйкӧ дзуги али торки?..
Гашкӧ, мися, коркӧ ви
позйысь усьӧм сьӧлапиӧс?

Гашкӧ, кыйси парма-вӧрын
кадысь водзджык, гожӧм шӧрын?
Век на, мися, мортӧн шуси...
Мися, мыйӧн лӧкӧ уси?..

Тэнад паськыд парма-вӧрын
низь да тулан кыйӧм бӧрын,
мися, лэдз вай менӧ гортӧ
муса гӧтыр-челядь ордӧ...

Кылан, гӧтыр, зумыш Вӧрса
вӧлись лэдзас менӧ бӧрсӧ.
Жаль жӧ сэсся лоа сылы...
Муса гӧтыр, кылан?

Аски, кӧть и дышӧн шулан,
вая тэныд низь да тулан,
наян санӧс, ручӧс, гоз-мӧд
сьӧла-тар да чукчи-дозмӧр...»

3

Тадзи, гортас воӧм бӧрас,
дыр на гӧтырыслы сӧрас.
Коддзӧм юрнас варов вома,
оз ло сёрниыслы помыс.

Огӧ видӧй — мед кӧ сӧрӧ,
кызди кыйсьӧ парма-вӧрас.

Көть и асьсө вывті ошкө,
сійө збыль өд кыяс оштө.

Кызди шуө, парма-вöрсө,
гашкө, збыльысь видзө Вöрса.
Гашкө, збыльысь эм и Ёма —
дзöрысь-вöрысь, пиньтöм вома.

Овлө — гыма-чарда лунтыр...
Гашкө, гашкө, тайө гундыр —
öти бöжа, сизим юра —
биөн сьöласьö да дурө.

Гашкө, эм и сюра мути,
горзысь шева, мисьтöм куття?
Коді тöдö, збыль-ө тайө?
Колökө, и эмöсь найө.

Со тай эм на сэтшöм мортыс,
коді вöрын, йöзын, гортас
сьöлөм-ловнас эскө талы,
век на копыр вöчө налы.

Тадзи-й олө. Челядьдырсянь
коми парма-вöрын кыйсьö.
Енмөс тöдысь. Абу полысь.
Коми. Аслыспөлөс олысь.

* * *

Лымъяліс, но чужан карын
век на ловъя менам арӱй.
Кыз пу корлӱн югыд биыс
мича ӱзйӱ менам кийн.

Бытьӱ ӱтка тури гӱлӱс,
нора сьылӱ гегдӱм тӱлыс.
Ылі муӱ, ылі муӱ
менсьым зарни арӱс нуӱ.

Арӱй, кӱть и регыд олӱн
мена́м сьӱлӱмын да лолын,
мена́м вирын, дзик быд сӱнын
юргӱ тэнад мыла звӱныд.



Кузь туйяс вылысь шудöй мен
збыль, гашкө, сюрас.

А, гашкө, чукыль саяс сэн
ме вошта юрөс.

И дзедас менö шуштөм вөр
да войся чöлыс.

Да метөг гортө рөдтас бөр
збой, тэрыб вөлөй.

Но эз жö медым сийö шед
скөр, төдтөм киö.

Да ветліс менам вөлөн мед
и менам пийö.

* * *

Көть и шудсö корсьö быдöн,
шуда мортыс этша — лыда.
Сійөн, гашкө, и Иуда
енмös вузалöмысь шуда...

ЮРИНДАЛЫСЬ

Ловпу

«Көть и ачим муна пемыд вөрөд...»	4
«Авель ловзис. Ловъя, дерт, и Қанн...»	5
«Татөн, уна ветлыся Арбатын...» .	6
Питирим Сорокинӊс казътывлӊӊн .	7
«Гӊль и озыр шаньӊн-бурӊн...» . .	8
«Векни, чукля туйӊд...»	9
Лӊглун йылысь притча	11
«Вӊркута да уна-уна зона йылысь...»	12
«Олӊм, тэ зэв мнча...»	13
«ӊни бурыс...»	14
Пипилисты сӊкӊл	15
Виттор	16
«Сылӊн олӊм — абу мойд...» . . .	17
1983 во	18
Пожӊг. 1937 во	19
«Сьӊдӊдлӊм да едждӊм бӊрас...» .	20
«Ылӊдчысьӊн чайтӊм Енлысь Писӊс...»	21
«Бытьӊ воймӊм крестъяс...» . . .	22
«И збыль мой — сийӊ кадыс матын...»	23
Иван Куратов нимсянь	24
«Чужан пельӊсӊй...»	26
Шуӊм кывным муӊ усьӊ	27
Есенин	29

«Пермса Стефанлөн шыпас...»	30
«Енмөй, тавой менам...»	31
«Гөгөр пемыд вөліс...»	32
«Гартча гумыль вабергачын...»	33
«Тавой менө вөрөгъясөй кыйисны...»	34
Пилы	35
«Көдзыд. Ошинь вевттысьсөма йиөн...»	37
Коми поэма	38

Восьса небөг

Шог	44
«Мед эг пөръясь, мед эг гусясь...»	45
«Төдтөм муын, «йөзын...»	46
«Мамөн мыськөм керка шөрын...»	47
«Чойлөн шондіыс кор кусіс...»	48
«Олө пөчө, да мырсьө, да кашкө...»	49
Лөк водзын	50
«Тэөн чужтөм муслун вөлөм...»	51
«Воём пелысь — сьөлөм ыджа розъя...»	52
«Быттьө колип гозъя...»	53
«Миян олөм лым моз сылас...»	54
«Дойөй йөршитчөма сьөлөм пы- тшкө...»	55
«Эштіс гожөм. Со и воис арыс...»	56
«Но тэд карын кө гажтөм да лөк...»	57
«Восьлав водзө олөм шөрөд...»	58
«Чөв-лөнь. Ыркыд. Пөрысь пуяс...»	59
«Сэтшөм көдзыд да гажтөм...»	60
Еджыд дөрөм	61
«Лэчыд турөб век на гартө, кылө...»	62
«Кыськө ылысь...»	63
«Сьөлөм кыпөдчывлас мусыс...»	64
«Ытва дырйи...»	65

«Буса карысь воём бёрын...» . . .	67
«Талун кывбуръясой норось...» . . .	68
«Коть и, коть и мукөд дорысь томөн...»	69
«Югид гожея лунё...»	70
«Арся луныс жугыль мөвпос венас...»	71
«Тэно шогыс эз на сулы...»	72
«Вися. Лун-лун куйла гортын...»	73
«Войвыв муо...»	74
Вөвъяс	75
Бур кыв	76

Арся кывбуръяс

«Арнас ловлы...»	78
«Вөрса ёлын ваис...»	79
«Мылькъясвесьтса...»	80
Карса вой	81
«Пармаyslөн зумыш чёлыс...»	82
«Берба-балялөн еджыд гөн...»	83
«Раскө йөрмөм мудзөм төлыс...»	84
«Кильчө вевт весьтө ошйөм рытыс...»	85
«Яр шондi югъялис да пөжис...»	86
«Октябрь төлысь...»	87
«Зарава кодь югид войо...»	88
«Пелысь роз кодь гөрд да кисьмөм луныс...»	89
«Пемьд вөрын...»	90
«Зэрис, зэрис... Сэссия кобис...»	91
«Мыйөн воас кодзыд төлыс...»	92
«Черань везйысь...»	93
«Төв ныр дырйи нюдз да вөсни пуыс...»	94
«Арся вөркөд аддзысьлыны сёр-	

ми...»	95
«Тэрмасьомён, гусьон...»	96
«Көть и важон югор койо...»	97
«Тэ мен мичмодыштин мусо...»	98
Кыморьяс	99
«Ворса, сөдз ёль воён мысьсөдөм...»	100
«Асыввылын, коми сиктысь ылын...»	101
«Вундам воккод ыбьяс дорысь...» .	102
«Мыйон Эжва весьтын кылас...» .	103
«Ворса ёлын шонди ворсо...» . . .	104
«Кильчө вылын куткырвидзысь ры- тысь...»	105
«Шонди пуксьом бёрын...»	106
«Көть и кодзыд — абу төла...» . . .	107
«Мыйла бара татчө келі-а?...» . . .	108
«Арыс пёрысь. Арыс мисьтөм...» .	109
«Лун-мөд сайын восьом Эжва сайысь...»	110
«Верстьо ловпу уна корья...»	111
Сиктса серпас	112
«Вунодан кор парма-ворсо...»	113
Важся кыйсьысьяслөн лов	114
Оти висьтасьом	115
«Лымъяліс, но чужан карын...» . . .	121
«Кузь туйяс вылысь шудой мен...»	122
«Көть и шудсө корсьо быдөн...» .	123

Литературно-художественное
издание

Лужиков
Александр Михайлович

НЕБЕСНЫЙ ПУТЬ

Стихи на коми языке

Редактор А. В. Тентюков.
Художник А. М. Лужиков.
Художественный редактор В. Б. Осипов.
Технический редактор А. Н. Вишнева.
Корректор М. М. Лужикова.

ЛР № 010039


Сдано в набор 27.10.93. Подписано к печати 21.12.93. Формат 70×90^{1/32}. Бумага № 1. Гарнитура «Литературная». Печать высокая. Усл. печ. л. 4,68. Усл. кр.-отт. 4,75. Уч.-изд. л. 2,9. Тираж 1000. Заказ № 4692.

Коми книжное издательство. 167610, г. Сыктывкар, ул. К. Маркса, 229.

АО «Коми республиканская типография». 167610, г. Сыктывкар, ул. Первомайская, 70.

200 = (Двеести руб)





**Коми книжное
издательство
1994**

Александр Лужиков чужис 1964 вося март 19-бл луно Кулөмдин районса Кеккур грездын. Помалис Сыктывкарса первой номера педучилищесы художественно-графической отделение да Москваса М. Горький нима Литературной институт. Велөдчөм бөрүн уджаліс коми радиоын, а бни — «Би кинь» журналса главной редактор.

Александр Лужиков — Россияса писательслөн Союза член. Сылөн кывбурьясыс йөзөдсьывлісны «Литературной газетын», «Литературной Россияын», «Север» да «Войвыв кодзув» журналъясын. 1989 воын Коми книжной издательствоын петіс «Ме тэно радейта» кывбур чукор.